

ՀՀ Պ Ա Շ Տ Պ Ա Ն ՈՒ Թ Յ Ա Ն Ն Ա Խ Ա Ր Ա Ր ՈՒ Թ Յ ՈՒ Ն

Պ Ա Տ Վ Ի Ր Ա Տ ՈՒ Ի Ղ Ե Կ Ա Վ Ա Ր Ի

Ո Ր Ո Շ ՈՒ Մ N 115

ք. Երևան

26.04.2024թ.

ՀՀ պաշտպանության նախարարության կարիքների համար թվային լուսանկարչական ապարատի, խոսափողի, բռնկումի, կտորից պայուսակի և այլ ապրանքների ձեռքբերման նպատակով կազմակերպված «ՀՀ ՊՆ-ԳՀԱՊՁԲ-24-8/8» ծածկագրով գնման ընթացակարգին (այսուհետ՝ Ընթացակարգ) ի թիվս այլ մասնակիցների մասնակցության հայտ է ներկայացրել նաև «Լա Իմպորտ» ՍՊԸ-ն /ՀՎՀՀ՝ 00524412, գործունեության հասցե՝ ՀՀ ք.Երևան, Երկաթուղայինների փ., տ.2/4 (այսուհետ՝ Մասնակից):

28.03.2024թ. կայացած նիստում գնահատող հանձնաժողովի որոշմամբ Մասնակցի հայտը գնահատվել է հրավերի պահանջներին չհամապատասխանող, քանի որ վերջինս չէր ներկայացրել 26.03.2024թ. նիստով արձանագրված անհամապատասխանությունների շտկումները:

Հիմք ընդունելով «Գնումների մասին» ՀՀ օրենքի 34-րդ հոդվածի 1-ին և ընթացակարգի հրավերի 8.10 կետերի պահանջները՝ եթե սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար, հակառակ դեպքում տվյալ մասնակցի հայտը գնահատվում է անբավարար և մերժվում, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Հաշվի առնելով վերոգրյալը և հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» պարբերությունը, որոշում եմ՝ «Լա Իմպորտ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում:



Կ. ԲՐՈՒՏՅԱՆ